

والآن مع يوم الأمتحان:

- صلاة الفجر ، و ياسلام لو قبلها كمان ركعتين قيام ودعيت الله مع نيه صالحه

- طبعا المفروض تختار مكان الأمتحان بعنايه يعني يكون المكان قريب من بيتك ، و يفضل انك لما تختار الـ Testing Center

ما تركزش قوي في انه يكون شيك أو اسمه مشهور أو عينك تزوغ على البنات اللي في الريسبشن " الله يراك دائما " ، الأهم ان المكان يكون مريح نفسيا

وعن نفسي افضل المراكز الصغيره فهي أريح نفسيا وبتحقق لك ميزه انك غالبا ح تمتحن وانتي لوحده لكن لو في center كبير أو مشهور فمن الوارد " غالبا " ان المكان ح يكون زحمه و اكثر من واحد بيمتحنوا حواليك ، وزي ما قلنا قبل كده ممكن يكون اللي جنبك متوتر وبيوترك ويزهقك

- اختار ملابس مريحه " مش وقت شياكه "

- احسب الوقت اللي ح تاخده في الطريق لغاية ماتوصل للسنتر " المواصلات وزحمتها " واعمل حسابك تكون هناك قبل الميعاد بنص ساعه

- خليك جاهز لأنك لو وصلت بدري ممكن تدخل تمتحن أول ما الأمتحان يجهز حتى لو كان الميعاد الرسمي لسه ماجاش

-انت الآن امام الـ Coordinator المسئول عن الـ Testing Center ، تسلمه كل اللي معاك المفاتيح والموبايل والمحفظه وحتى المصحف ، ماتشيلش هم لأنه ح يدملك ورق ابيض " أو بلاستيك " وقلم لزوم الشخبطه